

學

禮

管

釋

學禮管釋卷之二

營塗夏斂心伯甫學

釋禘一

以禘爲祭天之說者始於韋元成之解祭義而康成因之以注禮記詩後儒同異蠡起唐陸淳宋趙匡據大傳喪服小記祭法諸篇而得禘之正說一洗鄭氏之陋然而爲鄭氏之學者猶不能無疑徧檢經傳言禘雖三代異制王朝侯國異宜末世僭越異禮其間有孔氏遺言有後儒依托純禩亦復異趣而皆以爲宗廟之祭無一語及祭天者請爲二十五證以釋之禮記大傳

禮不王不禘王者禘其祖之自出以其祖配之諸侯及其太祖
大夫士有大事省于其君于祫及其高祖其文體勢相連皆說
宗廟之祭與祭天無涉證一儀禮喪服傳禽獸知有母而不知
有父野人曰父母何筭焉都邑之士則知尊禰矣大夫及學士
則知尊祖矣諸侯及其太祖天子及其始祖之所自出雖不言
禘言與大傳相表裏喪服傳爲子夏之言或大傳所自出大傳
由尊及卑喪傳自卑溯尊皆言祖考無一語及祀天證二喪服
小記王者禘其祖之所自出以其祖配之而立四廟上節言親
親以三爲五以五爲九上殺下殺旁殺而親畢矣次節言別子

爲祖繼別爲宗繼禰者爲小宗有五世而遷之宗其繼高祖者
也上下經文皆言宗廟祭祀親疏隆殺何嘗一語道及天帝證
三論語禘自既灌而往者吾不欲觀之矣祭天燔而不灌證四
或問禘之說子曰不知也文承上章禘灌證五中庸明乎郊社
之禮禘嘗之義郊社承上事上帝禘嘗承上祀乎其先證六周
禮司尊彝春祠夏禴禴用雞彝鳥彝秋嘗冬烝禴用斚彝黃彝
凡四時之間祀追享朝享禴用虎彝雝彝先鄭注追享朝享謂
禘祫也證七爾雅禘大祭也釋又祭也證八王制天子諸侯宗
廟之祭春曰灼夏曰禘證九郊特牲春禘而秋嘗證十祭義君

子合諸天道春禘秋嘗證十一祭統凡祭有四時春祭曰禘夏
祭曰禘證十二丙祭則大嘗禘是也證十三王制天子犴酌禘
禘祫嘗祫烝證十四雜記十月日至可以有事于祖七月而禘
獻于爲之也證十五明堂位季夏六月以禘禮祀周公於太廟
證十六春秋閔二年古禘於莊公證十七僖八年禘於太廟用
致夫人證十八左氏傳襄十六年晉人曰以冀君之未禘祀證
十九昭十五年將禘於武公證二十又二十二年將禘於襄公
證二十一定八年禘於僖公證二十二周頌雝敘禘太祖也篇
中備言文武烈考文母證二十三商頌長發敘大禘也篇中歷

敘有娥元王相土成湯以及阿衡證二十四說文禘諦祭也從示帝聲周禮曰五歲一禘上兩字爲祠初下兩字爲禘禘不與些禘諸文爲次證二十五凡此二十五證經典之言禘略備矣明乎禘非祭天而後禘禮可得而言也

釋禘二

禘有二有禘所自出之禘有四時之禘大傳小記論語爾疋所載祭所自出之禘也王制祭統祭義所載四時之禘也周以前天子有祭所自出之禘亦有四時之禘其四時之禘或屬之春

見郊特牲祭義

或屬之夏

見王制祭統

記禮者襍引不知確爲何代矣諸侯

僅有四時之禘無祭所自出之禘所謂不王不禘也周人尙文
因王者有祭所自出之禘不應時祭復與之同名故改云祠禴
嘗烝周禮爾雅詩天保所云是也因諸侯無祭所自出之禘故
春祠夏禘秋嘗冬烝仍而不改左傳所云烝嘗禘於廟算君之
未禘祀祭統所謂春祭曰祠夏祭曰禘秋祭曰嘗冬祭曰烝祭統
未敘魯郊禘之事故知所言爲周制是也其諸侯所以不改者猶之殷大學在郊
小學在國周則大學在國小學在郊而諸侯仍用殷制大學在
郊小學在國也惟魯僭用天子之禘其時祭遂不與他國同名
明堂位所云以禘禮祀周公於太廟僭用天子之祭也又曰夏

禘與祫二祭也。大禘止於天子，時禘達於諸侯。祫則通乎大夫士。大傳所謂大夫士省於其君，干祫及其高祖。士虞記亦云：謹薦祫事是也。士虞之祫非合昭穆之祫然亦見其名通於士禘者於始祖之廟，追祭始祖所自出之帝，而以始祖配之，不兼羣廟之主。或疑大傳小記所云其祖始祖以下皆謂之祖，獨不包羣祖乎？不知大傳小記之言出於喪服傳，喪傳明言及其始祖之所自出，則所謂其祖始祖也。以其祖

釋禘三

禘與祫二祭也。大禘止於天子，時禘達於諸侯。祫則通乎大夫士。大傳所謂大夫士省於其君，干祫及其高祖。士虞記亦云：謹薦祫事是也。士虞之祫非合昭穆之祫然亦見其名通於士禘者於始祖之廟，追祭始祖所自出之帝，而以始祖配之，不兼羣廟之主。或疑大傳小記所云其祖始祖以下皆謂之祖，獨不包羣祖乎？不知大傳小記之言出於喪服傳，喪傳明言及其始祖之所自出，則所謂其祖始祖也。以其祖

禘與祫二祭也。大禘止於天子，時禘達於諸侯。祫則通乎大夫士。大傳所謂大夫士省於其君，干祫及其高祖。士虞記亦云：謹薦祫事是也。士虞之祫非合昭穆之祫然亦見其名通於士禘者於始祖之廟，追祭始祖所自出之帝，而以始祖配之，不兼羣廟之主。或疑大傳小記所云其祖始祖以下皆謂之祖，獨不包羣祖乎？不知大傳小記之言出於喪服傳，喪傳明言及其始祖之所自出，則所謂其祖始祖也。以其祖

禘與祫二祭也。大禘止於天子，時禘達於諸侯。祫則通乎大夫士。大傳所謂大夫士省於其君，干祫及其高祖。士虞記亦云：謹薦祫事是也。士虞之祫非合昭穆之祫然亦見其名通於士禘者於始祖之廟，追祭始祖所自出之帝，而以始祖配之，不兼羣廟之主。或疑大傳小記所云其祖始祖以下皆謂之祖，獨不包羣祖乎？不知大傳小記之言出於喪服傳，喪傳明言及其始祖之所自出，則所謂其祖始祖也。以其祖

禘與祫二祭也。大禘止於天子，時禘達於諸侯。祫則通乎大夫士。大傳所謂大夫士省於其君，干祫及其高祖。士虞記亦云：謹薦祫事是也。士虞之祫非合昭穆之祫然亦見其名通於士禘者於始祖之廟，追祭始祖所自出之帝，而以始祖配之，不兼羣廟之主。或疑大傳小記所云其祖始祖以下皆謂之祖，獨不包羣祖乎？不知大傳小記之言出於喪服傳，喪傳明言及其始祖之所自出，則所謂其祖始祖也。以其祖

禘與祫二祭也。大禘止於天子，時禘達於諸侯。祫則通乎大夫士。大傳所謂大夫士省於其君，干祫及其高祖。士虞記亦云：謹薦祫事是也。士虞之祫非合昭穆之祫然亦見其名通於士禘者於始祖之廟，追祭始祖所自出之帝，而以始祖配之，不兼羣廟之主。或疑大傳小記所云其祖始祖以下皆謂之祖，獨不包羣祖乎？不知大傳小記之言出於喪服傳，喪傳明言及其始祖之所自出，則所謂其祖始祖也。以其祖

配之以始祖配也大傳小記或後人所記喪服傳子夏所作足以取信矣

未毀廟之主皆升合食於太廟曾子問曰當七廟五廟無虛主

虛主者惟祫祭於祖為無主耳斯禘祫之義也禘於周禮謂之

肆獻裸又謂之追享祫謂之饋食又謂之朝享趙氏匡采曰肆

享之上禘以肆獻裸為主猶生之有饗也祫以饋食獻裸饋食在時

為主猶生之有食也鄭先農云追享禘也朝享祫也合而一之

則周禮不可解矣蓋禘尊尊也故不王不禘祫親親也故達乎

大夫士禘從示帝聲形聲兼會意四代自出之祖為黃帝帝嚳

故從帝秦蕙田說又帝諦也說文禘亦有審諦之義故時祭兼有之祫

從示從合會意大合祭先祖親疏遠近也說文大夫士廟數雖少

合祭則同故亦有時用之明乎禘祫爲二祭而禘祫之義始定
釋禘四

五年一禘三年一祫出於禮緯而張純及康成信之五年再殷
祭出於公羊傳而康成禘祫志一遵其說徐邈又謂禘祫二祭
相去各三十月於是先三後二先二後三輾轉不清歷代互用
遇有窒礙卽便更革張子橫渠曰禘也祫也郊也必歲有之初
驚其說之創後考之於經而知其不可易也司尊彝曰凡四時
之間祀追享朝享先鄭以追享爲禘朝享爲祫則二者行於四
時之間非行於三年五年之間矣雜記孟獻子曰正月至可

以有事于帝七月日至可以有事于祖七月而禘獻子爲之也
郊與禘齊舉兩日至並言郊每歲行之則禘亦每歲行之玩其
文義皎然可據也明堂位曰魯君孟春祀帝於郊季夏六月以
禘禮祀周公於太廟文勢亦蟬聯而下兩兩並舉無所區別郊
每歲行之禘安得不每歲行之乎祭統曰賜之以重祭外祭則
郊社是也內祭則大嘗禘是也不惟與郊對舉并與嘗同舉嘗
無三年五年之別則禘從可知矣春秋所書二禘一因告祭於
莊廟一因用致夫人其每歲常行之禘不書子曰禘自既禋而
往者吾不欲觀之矣夫子因禘祭而發是言夫子仕魯之年經

未嘗書禘其爲歲之常祀不書無疑也此則經典之所未明傳記之所未析晦盲於緯候之書厯千有餘年始撥雲霧而見青天而仍徵信於經典傳記之中特後人未之察耳至於禘祫之月張氏純曰禘以夏四月陽氣在上陰氣在下故正尊卑祫以冬十月五穀成熟物備禮成故合敘飲食雖於經無據而禮以義起君子不之訾焉

釋禘五

或曰禘祫每歲行之考之經傳有明徵矣王制禘嘗烝皆有祫何也曰此夏殷制也夏殷不別行祫祭天子之祫就時祭之禘

嘗烝爲之合羣廟之主而祭於太廟諸侯時祭之禘一歲各特祭於其廟一歲合祭於太廟嘗烝則皆祫祭於太廟也周人尙文每歲四時之祭皆特祭於其廟別行禘祫於四時之間諸侯四時祭外冬另行一祫而已或曰魯之大嘗禘何也曰魯初僭禘禮於太廟後秋嘗之祭各廟亦以禘禮行之而謂之大嘗記者不察遂以爲賜魯大嘗與禘也魯頒秋而載嘗歷歌牲樂之盛是其證蓋魯始僭禘後遂用禘禮於嘗始禘太廟後遂用禘禮於羣公之廟始祭用禘樂後遂習享皆用之此皆末世之失非成王之賜明矣或曰春秋文公二年大事於太廟公羊傳以

爲禘祭昭十五年有事於武宮左傳又以爲禘祭何也曰禘之爲大事非僅公羊傳穀梁亦言之無可疑矣惟昭十五年之事左傳以爲禘遂至康成禘大禘小之言而後儒又以禘祫爲一事不知皆非也昭十五年實行禘禮因叔弓卒而去樂禘禮不備故史官謂之有事左傳指其實而言之仍謂之禘非禘與祫一事也或曰周既尊禘改時祭爲祠禴嘗烝矣而論語猶云禘嘗之義曾子問又云天子嘗禘郊社五祀之祭何也曰舉禘該祫舉嘗該祠禴烝立文取便不以爲嫌故或曰禘嘗或曰嘗禘焉

釋天子諸侯廟享獻數

祭祀之獻數惟大夫士三獻見於今少牢特牲饋食二禮天子諸侯無文孔穎達禮運疏謂天子與上公及二王後九獻侯伯七獻子男五獻賈公彥特牲疏謂天子大禘十有二獻四時與禘惟有九獻上公亦九獻侯伯七獻子男五獻江氏永云饗禮諸侯長十有二獻則大祭宜亦有十二獻所案禮文殘缺以鄭氏司尊彝注釋之似無禘禘時祭之分則同用九獻也其九獻節次尸入室作樂降神王以饗罔裸尸祭之啐之奠之而不飲是爲一獻王出迎牲后從灌是爲二獻此祝延尸入在室之兩

獻也王迎牲至庭麗於碑王親執鸞刀啟其毛祝以血毛告於
室於是行朝踐之事尸出於室坐於戶西南面其主在右祝乃
取牲脾脅燎於爐炭入以詔神於室又出以墮於主前王乃洗
肝於鬱鬯而燔之以制於主前所謂制祭次乃升牲首於室中
置於北墉下后薦朝事之豆籩乃薦腥於尸主之前謂之朝踐
王乃以玉爵酌著尊泛齊以獻尸是謂三獻后又以玉爵酌著
尊醴齊以亞獻是爲四獻又以腥解之肉沈之於湯曰燔后薦
饋食之豆籩乃薦燔於尸主之前謂之燔祭亦謂之饋食饋獻
司几筵註饋食於堂禮器義定王乃以玉爵酌壺尊益齊以獻

詔於堂司尊彝饋獻用兩壺尊

王乃以玉爵酌壺尊益齊以獻

尸是爲五獻后又以玉爵酌鬯尊醴齊以獻尸是爲六獻此皆

尸坐於堂之四獻也

孔氏禮運疏以饋獻在尸入室之後賈氏周禮疏以孰其穀當饋獻節在尸未入室

之前江氏承曰今攷司几筵吉事變几鄭注有饋食於堂之語若尸既入室則當食舉矣豈先獻然後食乎又案禮運以薦血腥法上古孰其穀法中古其下文醴醢以獻薦其燔炙君與夫人交獻云云皆在未合亨之前獻醴卽朝踐也獻醢卽饋獻也然則饋獻不在乃退取未熟之燔肉合而亨之合熟升鼎載俎陰厭之後明矣乃延主於室徙堂上朝踐饋食之豆籩入室設於尸席前俎入

設於豆東太祝酌酒奠於鉶南蕭合黍稷既奠然後炳蕭合羶

注當爲馨

香自此以前謂之接祭乃延尸入室舉齔角詔安尸尸食

十五飯畢王以玉爵酌朝踐之尊醴齊以酹尸謂之朝獻是爲

七獻王酌尸之後后用璧角酌饋獻盞齊亞獻諸臣爲賓者又用璧散酌盞齊三獻是爲八獻九獻后與賓之酌周禮又謂之再獻此室中薦熟時之三獻也統而論之王后各四獻賓一獻室中前後五獻堂上四獻乃九獻正禮也自此以後則加爵矣至於侯伯七獻崔靈恩據禮器君親制祭夫人薦盞謂薦君親割牲夫人薦酒謂薦以爲朝踐及饋獻君皆不獻祇有夫人獻於九獻之中減二故爲七獻子男五獻亦以薦腥饋熟時君皆不獻酌尸之時君但一獻夫人與賓皆不獻故爲五獻孔穎達不然崔氏五獻之說以爲子男朝踐饋熟君與夫人皆不獻酌

尸三獻通二灌為五獻炘案禮器云君親制祭夫人薦盞君親

割牲夫人薦酒祭統云尸飲五二灌不飲朝踐饋獻飲二君洗

玉爵獻卿注尸飲五謂爵尸五獻也尸飲七以後皆以瑤爵獻

大夫尸飲九以散爵獻士及羣有司皆以齒此節賈孔之說不

九獻者言至主人酌尸而尸飲五賈謂祭統據侯伯七獻者言

至諸臣再獻而尸飲五江氏永曰據司尊彝注云此凡九酌王

及后各四諸臣一祭之正也以今祭禮特牲少牢推之二裸為

奠而尸飲七矣王可以獻諸臣祭統云尸飲五君洗玉爵獻卿

是其差也則當以賈疏為正若如孔說則賓未獻尸而君先獻

賓失其序矣其言飲七飲九皆誤蓋尸飲五正獻已畢飲七飲

九皆正獻之後加爵也則備九獻者尸飲九而凡所謂君者皆

指五等之諸侯而言未嘗別其為公侯伯子男也則天子九獻

諸侯同七獻可知蓋天子諸侯同有灌鬱鬯薦血腥之事天子九獻諸侯腥燭缺二獻以下天子江氏永曰禮有放而不致之例豈天子祭先公七獻朝踐饋獻皆王獻而后不獻侯伯避王故特異其禮與析案江氏亦主子男五獻故云侯伯必七獻始能備禮若必分之爲七爲五未有多生支節者也如天子七廟諸侯同五廟天子七月而葬諸侯同五月天子之廟五重諸侯同三重天子一食諸侯同再食皆不以命數爲等差何獨至於獻而疑之

釋天子諸侯無陰厭

天子諸侯陰厭之禮不見於經亦不見於注馬氏通典朱子儀

禮通解皆不言天子諸侯陰厭之事秦氏五禮通考忽於迎尸
之前補天子諸侯陰厭之禮其實經固無是也考士虞特牲少
牢三篇皆有陰厭陰厭者尸未入之前設几於奧與者陰闇之
地故謂之陰其設饌有酒有黍稷有俎有所俎有豆有鉶毛厭
者飫也言神飫飲食也故謂之厭此陰厭之禮所由來也蓋大
夫士祭禮皆自熟食始尸未入之前館饗少牢名牲饗少牢名
俱熟爲敦爲俎一一實而陳之以行陰厭之禮若天子諸侯則
不然天子諸侯之祭也自血腥始尸既入之後猶未殺牲則尸
未入之先何得有俎腍膾燔燎之黍稷皆以生燒之又何得有

敦無敦無俎則尸之所厭者果何物也然則天子諸侯之斷無
陰厭也明矣其所以無陰厭者何也蓋大夫士之禮卑卑者之
於祖宗以人道事之而已生人之道飲食爲重故羹飪而後祭
祭先陰厭飲食之道也天子諸侯之禮尊尊者之於祖宗先以
神道事之而後及於飲食故未殺牲以前有裸裸者以秬黍醲
酒築以鬯金酌以圭瓚灌之於地以求神於陰也旣灌以後始
殺牲升首於室取牲之膋染以香蒿合以黍稷燔燎報氣以求
神於陽也此皆以神道事之者也較之陰厭其用物宏其取義
博此天子諸侯之所以無陰厭也或曰大夫士陰厭之禮有祝

酌奠又有祝詞如少牢所載孝孫某敢用柔毛剛鬣嘉薦普淖
用薦歲事於皇祖伯某以某妃配某氏尙饗之語天子諸侯既
無陰厭則酌奠及致祝詞果於何時乎曰郊特牲舉鉶角詔爰
尸據注疏之說則朝踐禮畢牲合亨之後陳饌於室天子則祝
奠鉶於饌南諸侯奠角於饌南然後迎尸入室尸入而舉之然
則酌奠一節似可依注疏之說在朝踐禮畢牲既合亨之後矣
至於致祝之詞周禮有太祝掌六祝之辭二曰鬼號鄭以皇祖
伯某釋之則天子諸侯之有祝辭明甚或在既禩以後或在朝
踐後尸未入室之時今已不可得考必欲補陰厭一節以爲與

特牲少牢同則於經誠未有徵也

釋牲體左右胖升載分合上

凡牲體有左右胖由鑊實鼎曰升由鼎實俎曰載有用全體者有用右胖左胖者大約牲專用於一人則實全體分用於衆人則以右體爲貴而左體次之儀禮中吉凶賓嘉皆同此例注疏不能條分縷析以致後人各持已見皆未通考全經之例故也士冠禮醺子若殺則特豚載合升注云載合升者明亨與載皆合左右胖盛氏曰句法與公食大夫禮蓋執豆相似醺子是一人禮食無分俎故用全體公食大夫亦專用於一人無侑席經云載體進奏注云體

謂牲與腊也案腊之用皆純體則三牲亦必純體故經於魚腊
飪之下統云載體進奏謂牲與腊之載皆純體而進腍也注說
甚明疏以爲此用右體其左體以爲庶羞不知儀禮中用左胖
右胖經記皆有明文公食一篇經記無左右胖之語則爲純體
無疑疏不明一人食法皆用全體而以鄉飲射等篇况之失之
遠矣士喪禮小斂陳一鼎於寢門外其實特豚四髀去蹄兩肱
脊肺又云載兩髀於兩端兩肩亞兩肱亞脊肺在於中大斂陳
三鼎於門外豚合升又云舉鼎入西面北上如初載蓋初喪之
禮不忍異於生存一切以事生之禮行之生人一人食法皆合

左右胖故大小斂亦如之以上皆一人之食無分組合左右胖之證也至於既夕禮遺奠及士虞禮漸變生人之法以鬼神事之又不得同於吉祭故皆用左胖此禮之變非常例也亦有兩人食而合用牲體者昏禮親迎陳三鼎於寢門外其實特豚合升北面載是也蓋夫妻胖合禮曰同牢夫婦共俎凡禮食人皆異俎與一人食無異故亦合左右胖也若夫兩人以上共牲分俎則以右體爲尙而左體次之鄉飲酒記云賓俎脊脅肩肺主人俎脊脅臂肺介俎脊脇肫肺肺皆離皆右體進腍鄉射記云賓俎脊脅肩肺主人俎脊脅臂肺肺皆離皆右體也進腍鄉射無介此外

鄉飲又有尊者之俎鄉射又有獲者釋獲者之俎尊者之俎經
記無牲體明文獲者之俎記言折脊脅肺膈釋獲者之俎折脊
脅肺皆有祭注謂尊者俎賓主人之餘體獲者俎大夫即尊者之
餘體非也記明言賓主介之俎皆右體也則其餘用左體可知
矣蓋鄉飲之賓介乃主人以賓與之禮禮之者而主人又本州
之長三者皆尊故用右體尊者雖大夫然係本州觀禮之人可
以用左體至於獲者與釋獲者皆賤其用左體益可知記卽此
以見彼無煩辭費也特牲少牢二禮牲俱言右不言左燕禮之
明自右以外皆左與鄉飲射同例賓與鄉飲之賓同君與鄉飲之主人同大射之卿與鄉飲之遵

者同獲者釋獲者皆與鄉射同記不言者已於鄉飲射言之也

此嘉禮共牲分俎之禮

鄉飲燕大射牲用狗不升於鼎皆自鑊載於俎與他禮異

祭祀吉禮

亦倣嘉禮爲之特性饋食禮尸俎右肩臂肅肫肫肫正脊二骨橫

脊二骨長脅二骨短脅祝俎髀脰脊二骨脅二骨胾俎臂

注臂左體

正脊二骨橫脊長脅二骨短脅主婦俎穀折其餘如胾俎佐

食俎穀折脊脅賓骼長兄弟及宗人折其餘如佐食俎眾賓及

眾兄弟內賓宗婦若有公有司私臣皆殺脅此記惟尸俎云右

則自祝俎以下皆用左不獨胾俎用左臂也少牢饋食禮云司

士升羊右肫

升於鼎

髀不升肩臂肅肫肫肫正脊一脰脊一橫脊一

短脅一正脅一代脅一皆二骨以竝一鼎司士升豕右胖與羊

同一鼎又云上利升羊

升於俎載之

載右胖下利升豕其載如羊祝

俎牢髀橫脊一短脅一佐食俎折此經亦惟於尸俎言右則其

餘用左又可知矣有司徹尸俎羊右體肩髀肫骼臠正脊一脰

脊一橫脊一短脅一正脅一代脅一豕右體與羊同侑俎羊左

肩左肫正脊一脅一豕左肩折正脊一脅一胾俎羊臂一脊一

脅一豕脅臂一脊一脅一注云臂左臂也不言左臂者大夫尊

空其文也主婦俎羊左臠脊一脅一長賓俎羊骼一眾賓脅體

戊注云尊體盡儀度餘骨所用而用之

長兄弟脅折脅一眾兄弟儀內賓兄弟薦

胄蓋祭祀之禮莫尊於尸故尸用右胖其餘皆用左胖特牲少牢止於尸言右胖者見尸以外皆用左得有司徹之詳列不惟特牲少牢言右見左之例明卽鄉飲射記言右見左之例亦無不明也此皆見於經而可考者也

釋牲體左右胖升載分合下

一人禮食必用全牲於聘禮亦可徵也聘禮致飧賓飪一牢鼎九腥一牢鼎七上介飪一牢鼎七衆介皆少牢歸饗餼賓五牢飪一牢腥二牢餼二牢上介三牢飪腥餼各一牢士介四人皆餼太牢按牢禮必全牲所謂函牛之鼎是也聘雖無俎卽全鼎

可見其全俎是一人禮食不分左右胖公食之外又有聘禮可證而或以合升之法專爲豚言之誤矣兩人以上則以右胖爲尙又可徵之昏禮之饋舅姑經云舅姑入室婦盥饋特豚合升側載合升者謂合左右胖升於鼎也少牢止升右胖於鼎特牲應如少牢其左胖各俎當自鑊載之有司徹左右胖皆自鼎載於俎則自鑊升於鼎可知鄉燕射皆自鑊載俎不升鼎側獨也側載者謂獨載一右胖也右胖尊賓祭皆用之注謂右胖載之舅俎左胖載之姑俎異尊卑非也同牢之禮昏義謂之同尊卑今以新至之婦而分舅姑之尊卑似非情所敢出如以右屬之舅左屬之姑則是分載而非側載矣無偶曰側左右分載是有偶也儀

禮中側字甚多士冠禮側尊一甌醴注云無偶曰側謂獨尊一
醴甌無元酒也又云側酌醴有酌必有薦謂獨有酌者無薦者
也士虞禮側亨於廟門之右士虞變吉用左胖謂獨亨一左胖
無右胖也士虞經云側亨記云羹飪升左肩臂屬肫脇脊脅明
則視亦用左胖可知祝不嫌於同特牲少牢者祝係生人無庸反吉祭也特牲視側殺謂獨殺一豕
牲無羊牲也與此同一文法又北階止一階名曰側階謂止東
畔有階無西階也皆此義也其舅姑同用右胖者猶之鄉飲之
賓介主人同尊故同用右胖不明言之者周人貴右不言可知
猶之側殺側亨皆不明言之也至於合升之爲七體謂之脉解

其體解有七有九有十一有十九有三十二陳用之及朱子之
辨審矣茲不復著於篇

學禮管釋卷之三

當塗夏斡心伯甫學

釋溝洫井田異制

遂人溝洫匠人井田鄉遂都鄙劃然爲二鄭君明其制朱子言其義治周官者可以無疑矣必欲比而合之是自滋蒙翳而長葛藤也今述鄭宗朱以祛異議而作斯篇

地官大司徒合五家爲比使之相保五比爲閭使之相受四閭爲族使之相葬五族爲黨使之相救五黨爲州使之相賙五州爲鄉使之相賓

注云間二十五家族百家黨五百家州二千五百家鄉萬二千五百家

析按此六鄉之制里也

逐人五家爲鄰五鄰爲里四里爲鄣五鄣爲鄙五鄙爲縣五縣爲遂皆有地域溝樹之

注云鄰里鄣鄙縣遂猶郊內比閭族黨州鄉也異其名者示相變也

析按此六逐之制里也與六鄉同

凡治野夫間有遂遂上有徑十夫有溝溝上有畛百夫有洫洫

上有涂千夫有澮澮上有道萬夫有川川上有路以達于畿
注云十夫二鄰之田百夫一鄣之田千夫二鄙之田萬夫四
縣之田遂溝洫澮皆所以通水於川也遂廣深各二尺溝倍
之洫倍溝澮廣二尋深二仞徑畛涂道路皆所以通車徒於
國都也徑容牛馬畛容大車涂容乘車一軌道容二軌路容
三軌都之野涂與環涂同可也萬夫者方三十三里少半里
九而方一同以南畝圖之則遂從溝橫洫從澮橫九澮而川
周其外焉去山陵林麓川澤溝瀆城郭宮室涂巷三分之制
其餘如此以至于畿則中雖有都鄙遂人盡主其地

析按遂二鄰之爲十夫卽鄉之二比也一鄣之爲百夫
卽鄉之一閭也二鄣之爲千夫卽鄉之二族也四縣之
爲萬夫卽鄉之四黨也此鄉遂之所以爲溝洫而不爲
井田也

小司徒乃會萬民之卒伍而用之五人爲伍五伍爲兩四兩爲
卒五卒爲旅五旅爲師五師爲軍以起軍旅以作田役以比追
胥以令貢賦

注云伍兩卒旅師軍皆畝之名兩二十五人卒百人旅五百
人師二千五百人軍萬有二千五百人此皆先王所因農事

而定軍令者也

析按此六鄉之制軍也遂之軍制無文其鄰里鄧鄙縣
遂與鄉之比閭族黨州鄉同則軍之伍兩卒旅師軍亦
與六鄉同鄭君所謂遂之軍濠道胥起徒役如六鄉是
也鄉遂之用溝洫卽因此以爲準

朱子曰

呂熹錄

國中行鄉遂之法如五家爲比五比爲閭四閭

爲族五族爲黨五黨爲州五州爲鄉又如五人爲伍五伍爲
兩四兩爲卒五卒爲旅五旅爲師五師爲軍皆是五五相連
屬所以行不得那九一之法又曰

李方子錄

周制鄉遂用貢法故

十夫有溝長底是十方底是百長底是千方底是萬都鄙用
助法故八家同溝共井鄉遂則以五爲數家出一人爲兵都
鄙則以四爲數六七家始出一人故甸出甲士三人步卒七
十二人馬四匹牛三頭鄉遂所以必爲溝洫而不爲井者以
欲起兵數故也五比五鄉五伍之後變五爲四閭四里四兩
者用四則成百之數復用五則自此奇零不整齊矣如曰周
制皆井者此欺人之說不可信也又曰李閔祖錄五家爲比五比
爲閭四閭爲族五族爲黨五黨爲州五州爲鄉五家爲鄰五
鄰爲里四里爲鄣五鄣爲鄙五鄙爲縣五縣爲遂制田里之

法也五人爲伍五伍爲兩四兩爲卒五卒爲旅五旅爲師五師爲軍此鄉遂出兵之法也都鄙之法則九夫爲井四井爲邑四邑爲邱四邱爲甸然後出長轂一乘甲士三人步卒七士二人此二法所以不同而貢助之法亦異大率鄉遂以十爲數是長連排去井田以九爲數是一箇方底物事自是不同而永嘉必欲合之如何合得

圻按鄭君以二鄰一鄣二鄙四縣解遂人之十夫百夫千夫萬夫又注小司徒謂伍兩卒旅師軍爲因農事而定軍令此鄉遂之所以必爲溝洫而不用以四起數之

井田也得朱子反復闡明之而鄭義瞭如矣

詩周頌噫嘻篇曰駿發爾私終三十里亦服爾耕十千維耦

鄭箋云周禮曰凡治野田

所按遂人無田字此及
廟正義所引皆有田字

夫間有遂

遂上有徑十夫有溝溝上有畛百夫有洫洫上有涂千夫有
澮澮上有道萬夫有川川上有路計此萬夫之地方三十三
里少半里也耜廣五寸二耜爲耦一川之間萬夫故有萬耦
耕言三十里者舉其成數

所按三十里而曰十千維耦明明爲遂人溝洫之制矣
噫嘻爲祈穀之詩祈穀在郊則鄉遂用溝洫此乃確證

故鄭君卽以逐人之文解之鄉遂之田皆各家百畝無同養公田之事故曰駿發爾私也

以上鄉遂溝洫

畿師以廩里任國中之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任畺地

注云司馬遷曰王國百里爲郊二百里爲州三百里爲野四百里爲縣五百里爲都杜子春云五十里爲近郊百里爲遠

郊公邑謂六遂餘地天子使大夫治之自此以外皆然二百里三百里其大夫如州長四百里五百里其大夫如縣正是以或謂二百里爲州四百里爲縣云遂人亦監焉家邑大夫之采地小都卿之采地大都公之采地王子弟所食邑也五百里王畿界也

析按王國百里之內曰郊六鄉在焉六鄉定受田者七萬五千家其餘地則爲宅田士田賈田官田牛田賞田牧田焉百里之外二百里之內曰甸六遂在焉六遂亦定受田者七萬五千家其餘地則爲公邑天子使大夫

治之二百里之外三百里之內曰稍大夫之采地在焉
王子弟之最疏者亦食地於稍謂之家邑三百里之外
四百里之內曰縣卿之采地在焉王子弟之疏者亦食
地於縣謂之小都四百里之外五百里之內曰甸公之
采地在焉王母弟王之庶子亦食采地於甸謂之大都
統名都鄙其都鄙外之餘地皆爲公邑所謂四處公邑
也經於甸言公邑於稍縣甸言正田互文見義以明甸
有六遂正田稍縣甸亦有餘地公邑載之言事也事民
而稅之故載師之職統及之焉

凡任地國宅無征園廩二十而一近郊十一遠郊二十而三甸稍縣都皆無過十二惟其漆林之征二十而五

注云征稅也言征者以供國政也國稅輕近而重遠近者多役也又匠人注云以載師職及司馬灋論之周制畿內用夏之貢法稅夫無公田畿內用貢法者鄉遂及公邑之吏旦夕從民事爲其促之以公使不得恤其私賈公彥小司徒疏云鄉遂公邑之中皆爲溝洫之法

析按都鄙旣爲井田則三百里之稍四百里之縣五百里之都皆九一而助矣而載師云甸稍縣都皆無過十

二者指公邑而言故鄭君云采地制井田異於鄉遂及公邑也

以上公邑溝洫

小司徒乃經土地而井牧其田野九夫爲井四井爲邑四邑爲邱四邱爲甸四甸爲縣四縣爲都以任地事而令貢賦凡稅斂之事

注云此謂造都鄙也采地制井田異於鄉遂重立國小司徒爲經之立其五溝五塗之界其制似井之字因取名焉孟子曰夫仁政必自經界始經界不正井地不均穀祿不平是故

暴君姦吏必慢其經界經界既正分田制祿可坐而定也鄭
司農云井牧者春秋傳所謂井衍沃牧濕皋者也元謂濕皋
之地九夫爲牧二牧而當一井今造都鄙授民田有不易有
一易有再易通率二而當一是之謂井牧昔夏少康在虞思
有田一成有畝一旅一旅之畝而田一成則井牧之法先古
然矣九夫爲井者方一里九夫所治之田也此制小司徒經
之匠人爲之溝洫相包乃成耳邑邱之屬相連比以出田稅
溝洫爲除水害四井爲邑方二里四邑爲邱方四里四邱爲
甸甸之言乘也讀如良甸之甸甸方八里旁加一里則方十

里爲一成積百井九百夫其中六十四井五百七十六夫出
田稅三十六井三百二十四夫治洫四甸爲縣方二十里四
縣爲都方四十里四都方八十里旁加十里乃得方百里爲
一同也積萬井九萬夫其中四千九十六井三萬六千八百
六十四夫出田稅二千三百四井二萬七百三十六夫治洫
三千六百井三萬二千四百夫治澮井田之法備於一同今
止於都者采地食者皆四之一其制三等百里之國凡四都
一都之田稅入於王五十里之國凡四縣一縣之田稅入於
王二十五里之國凡四甸一甸之田稅入於王地事謂農牧

衡虞也貢謂九穀山澤之材也賦謂出車徒給繇役也司馬
灋曰六尺爲步步百爲晦晦百爲夫夫三爲屋屋三爲井井
十爲通通爲匹馬三十家士一人徒二人通十爲成成百井
三百家車一乘士十人徒二十人十成爲終終千井三千
家車十乘士百人徒二百人十終爲同同方百里萬井三
萬家車百乘士千人徒二千人

朱子曰

萬人
傑錄

周禮有井田之制有溝洫之制井田是四數溝

洫是十數今永嘉諸儒論田制乃欲混井田溝洫爲一則不
可行鄭氏注解分作兩項卻是

析按井牧之制經不言造都鄙鄭知爲造都鄙者大司徒言凡造都鄙不易之地家百畝一易之地家二百畝再易之地家三百畝通率二而當一乃井牧之法今此經云井牧其田野故鄭知此經爲造都鄙也又井地備於一同今止於都者因采地食者皆四之一百里之采地凡四都鄙之數以是爲極也然則鄭氏之言求之於經信而有徵矣

攷工記匠人爲溝洫耜廣五寸二耜爲耦一耦之伐廣尺深尺謂之畎田首倍之廣二尺深二尺謂之遂九夫爲井井間廣四

尺深四尺謂之溝方十里爲成成間廣八尺深八尺謂之洫方百里爲同同間廣二尋深二仞謂之澮

注云此畿內采地之制九夫爲井井者方一里九夫所治之田也采地制井田異於鄉遂及公邑三夫爲屋屋具也一井之中三屋九夫三三相具以出賦稅其治溝也方十里爲成成中容一甸甸方八里出田稅緣邊一里治洫方百里爲同同中容四都六十四成方八十里出田稅緣邊十里治澮采地者在三百里四百里五百里之中載師職曰園廩二十而一近郊什一遠郊二十而三甸稍縣都皆無過十二謂田稅

也皆就夫稅之輕近重遠耳

折按此下當有司馬遷曰一段今已佚不可攷矣 滕文

公問爲國於孟子孟子曰夏后氏五十而貢殷人七十而助
周人百畝而徹其實皆什一徹者徹也助者藉也龍子曰治
地莫善於助莫不善於貢貢者校數歲之中以爲常文公又
問井田孟子曰請野九一而助國中什一使自賦卿以下必
有圭田圭田五十畝餘夫二十五畝死徙無出鄉鄉田同井
出入相友守望相助疾病相扶持則百姓親睦方里而井井
九百畝其中爲公田八家皆私百畝同養公田公事畢然後
敢治私事所以別野人也又曰詩云雨我公田遂及我私惟

蒔爲有公田由此觀之雖周亦蒔也魯哀公問於有若曰年
饑用不足如之何有若對曰益徹與曰二吾猶不足如之何
其徹也春秋宣十五年秋初稅畝傳曰非禮也穀出不過藉
以豐財也此數者世人謂之錯而疑焉以載師職及司馬瀝
論之周制畿內用夏之貢法稅夫無公田析按上文只引載師並未引司馬瀝
此云以載師司馬瀝論之知上注有脫文也然今司馬瀝亦
無論周畿內用貢法之文賈疏以爲鄭非虛語但吾儕所不
見極是孔穎達詩正義以爲此司馬瀝卽鄭小司徒注所
引之司馬瀝彼論井田非論邦遂溝洫何得牽合爲一以
詩春秋論語孟子論之周制邦國用殷之蒔法制公田不稅
夫析按詩春秋論語孟子皆見上文此貢者自治其所受田
總而論之益見司馬瀝之爲脫注也

貢其稅穀飭者借民之力以治公田又使收斂焉畿內用貢

法者鄉遂及公邑之吏旦夕從民事為其促之以公使不得

恤其私

所按畿內用貢法專指鄉遂公邑而言公邑達乎甸稍縣疆千里之畿皆在其內故曰畿內其三等采邑

則入下文邦國中司徒注所謂采地制井田異於鄉遂重立國是也

邦國用飭法者諸侯專

一國之政為其貪暴稅民無藝也

所按邦國用飭法兼采地言之采地凡三等小司徒

注所謂百里之國凡四都五十里之國凡四縣二十五里之國凡四甸是也

畿內稅有輕重通其

率以什一為正孟子曰野九一而稅國中什一是邦國亦異

外內之法耳

所按此邦國專指外諸侯言明外諸侯國中與野尚兼行貢助二法益知天子之鄉遂都鄙異

制矣

朱子曰葉賀孫錄周禮鄭氏自於匠人注內說得極仔細前面正說處卻未見卻於後面僻處說先儒這般極仔細

疏云井田之法畎縱遂橫溝縱洫橫澮縱自然川橫其夫間縱者分夫間之界耳無遂其遂注溝溝注入洫洫注入澮澮注自然大川此圖略舉一成於一角以三隅反之一同可見矣遂人云夫間有遂以南畝圖之則遂縱而溝橫此不云夫間有遂云田首倍之謂之遂遂則橫而溝縱也自餘洫澮川依此遂溝縱橫參之可知但彼云九澮而川周其外川則人造之此百里有澮澮水注入川相去遠故宜爲自然川也

析按鄭君匠人注論采地鄉遂異制援引經傳以意會通朱子所謂極仔細者也總而論之溝洫井田之異約有數端鄉遂以十爲數與溝洫配都鄙以九爲數與井田配異者一鄉遂用溝洫便於行貢都鄙用井田便於行助異者二溝洫夫間有遂井田田首爲遂異者三井田畎縱遂橫溝縱洫橫澮縱川橫溝洫遂縱溝橫洫縱澮橫九澮而川周其外異者四溝洫之川人爲之井田之川在兩山之間乃自然大川異者五井田溝澮稀少溝洫溝澮稠多異者六然則溝洫井田斷不可合而爲

一其鄉遂之所以溝洫稠多者朱子論之詳矣

朱子曰

沈僞錄

子約疑井田之法一鄉一遂爲一萬有餘夫多

溝洫川澮而匠人一同爲九萬夫川澮溝洫反少者此以地有遠近故治有詳略也鄉遂近王都人衆稠密家家勝兵不如此則不足以盡地利而養民且又縱橫爲川洫溝澮所以寓設險之意而限車馬之衝突也故治近爲甚詳若鄉遂之外則民少而地多欲盡開治則民力不足故其治甚略晉卻克帥諸國伐齊齊來盟晉人曰必以蕭同叔子爲質而盡東其畝齊人曰唯吾子戎車是利無顧土宜云云晉謀遂塞蓋

鄉遂之畝如中間是田兩邊是溝向東直去前復有橫畝向南溝復南流一東一南十字相交在此所以險阻多而非車馬之利也

析按朱子以鄉遂之地人眾而能盡地利遠則反是似猶待後人之論定至謂鄉遂之溝洫稠多者所以寓設險之意則確不可易竊意井田之制自古爲然王者易姓受命相因不改周所改者惟鄉遂之溝洫一二百里之內尙非難事其必多爲溝澮者既有以備水旱而設險守國之意卽存乎其中諸侯亦有三郊三遂觀孟子

請野九一而助國中什一使自賦則鄉遂亦必爲溝洫而野外仍用井田矣

以上都鄙井田

附論匠人注緣邊之民治溝治洫不出田稅

鄭君注匠人謂方十里爲成成中容一甸甸方八里出田稅緣邊一里治洫方百里爲同同中容四都四十六成方八十里出田稅緣邊十里治澮後人多疑其說竊意鄭君此注於經雖無所見然亦必有所受之非徒巧於布算已也禹自言濬畎澮距川夫子謂之盡力平溝洫畎之入遂遂之入溝溝之入洫洫之

大滄滄之入川由小而注大由淺而注深血脈流通而後水潦
可以無患溝洫一年而不治則淤塞者以寸計矣數年而不治
則淤塞者以尺計矣而況遂上有徑溝上有畛洫上有涂澮上
有道徑畛涂道一年而不治則廣者削而高者夷矣數年而不
治則削者狹而夷者卑矣徑畛涂道之土瀉入於遂溝洫澮之
中則淤者益淤而溝洫病溝洫病而川亦因之以病月令曰道
達溝瀆管子曰溝瀆不遂於隘鄣水不安其藏國之貧也尙書
大傳曰溝瀆壅遏當作通水爲民害皆言溝洫不可不治也治溝
洫之夫與後世之淺夫堤夫相似淺夫堤夫皆募民爲之或按

畝派夫民自僱役或履畝徵費官自僱夫於是豪戶飛灑胥吏

剋扣之弊種種叢生因而或議裁革或改停役

停役夫候大挑調用或徵銀一

兩六錢為銀差

或改折徵

折徵每名歲徵銀六兩貯庫

沿革無常民與官俱困以是

求水道之治不亦難哉周禮治溝洫之夫卽以緣邊之民爲之

以一成之地論治洫者至三十六井以一同之地論治澮者至

三千六百井不可謂不多矣然畝不加徵一粟國不費帑一錢

溝洫永賴而一律疏通水旱有資而每歲大有其所得不又多

乎且國家出入之度入之多而出之亦多人猶之不入也入之

少而出之亦少不入亦猶之入也古之聖帝明王爲長治久安

之策者豈與民爭此田稅之多入哉後之講水利者其尙有取於鄭君之法焉

釋三等授田之制

周禮授田有三等見於大司徒者爲都鄙之制見於遂人小司徒大司馬者爲鄉遂之制經文秩然不紊自鄭君各注參差錯出遂滋疑竇今列經文於前以清眉目後條辨注說以釋之

地官大司徒凡造都鄙不易之地家百畝一易之地家二百畝再易之地家三百畝

斠按此都鄙授田之制但云不易一易再易無上地中
地下地之分

遂人辨其野之土上地中地下地以頒田里上地夫一廛田百
畝萊五十畝餘夫亦如之中地夫一廛田百畝萊百畝餘夫亦
如之下地夫一廛田百畝萊二百畝餘夫亦如之

斠按此六遂授田之制郊外曰野王畿五十里爲近郊
百里爲遠郊遂在百里之外二百里甸之內則郊之外
也三百里曰稍四百里曰縣五百里曰甸統謂之都鄙
都鄙以不易一易再易授田不易者卽此經之上地一

易者卽此經之中地再易者卽此經之下地一易二百
晦卽中地田百晦萊百晦再易三百晦卽下地田百晦
萊二百晦惟不易祇有田百晦無萊五十晦與遂人異
小司徒頒比瀼於六鄉之大夫。乃均土地以稽其人民而周
知其數上地家七人可任者家三人中地家六人可任者二家
五人下地家五人可任者家二人

析按此六鄉授田之制同於六遂者也六鄉之授田無

明文鄭注云鄉之田制與遂同

見乃會萬氏之卒伍而用之節

此云上

地卽遂人之上地田百晦萊五十晦也都鄙名不易不

名上地此云中地卽遂人之中地田百晦萊百晦也都鄙名一易不名中地此云下地卽遂人之下地田百晦萊二百晦也都鄙名再易不名下地然則鄉之田制與遂同審矣遂人言上中下田制而不言受上中下田之人數此云家七人者授上地家六人者授中地家五人者授下地則遂又與鄉同矣

夏官大司馬凡令賦以地與民制之上地食者參之二其民可用者家三人中地食者半其民可用者二家五人下地食者參之一其民可用者家二人

圻按大司馬所云乃鄉遂合一之制上地食者參之二
卽遂人之田百晦萊五十晦以百五十晦三分之歲耕
可食者參之二也中地食者半卽遂人之田百晦萊百
晦以二百晦中分之歲耕可食者得二百晦之半也下
地食者參之一卽遂人之田百晦萊二百晦以三百晦
三分之歲耕可食者參之一也與遂人授田之制合也
上地可用者家三人卽小司徒之上地家七人可任者
家三人也中地可用者二家五人卽小司徒中地家六
人可任者二家五人也下地可用者家二人卽小司徒

下地家五人可任者家二人也與小司徒頒比瀆於六鄉之制合也古者天子六軍出於六鄉六鄉不足始取六遂大司馬所令之賦卽六鄉六遂之賦故云以地與民制之

又按三等授田見於經者如左觀於遂人小司徒大司馬之制而知鄉遂之上中下與都鄙之不易一易再易無異其上地多萊五十畝者所以優近也觀於大司徒之制而知不易一易再易與鄉遂之上中下無異其不易之田無萊五十畝者井田之正法也

都鄙用井田然鄉遂

云上中下地都鄙云不易一易再易又其所以別也自注說參差不一遂滋後人之惑今列於后而辨之學者縷析經文自知注說之不能歸於一定矣若眾家之說皆因注而淆茲不臚舉云

載師注云

見以廛里任國中之地節下同

六鄉之民七萬五千家通不易一

易再易一家受二夫則十五萬夫之地

析按不易一易再易大司徒之造都鄙如是經有明文何得謂爲六鄉之制注與經不合

又注云甸稍縣都合居九十六同八百六十四萬夫之地城

郭宮室差少涂巷又狹於三分所去大而存一焉以十八分之十三率之則其餘六百二十四萬夫之地通上中下六家而受十三夫定受田二百八十八萬家也

析按二百里甸之逐地當受上中下之地其稍縣都則都鄙也當受不易一易再易之田鄭統而同之與經不合

縣師注云

見首節

郊內謂之易郊外謂之萊善言近

析按不易一易再易都鄙授田之法不惟在遠郊百里之外并在二百里甸之外以爲郊內與經不合鄉遂有

萊田卽都鄙不云萊田而一易云二百畝再易云三百畝則亦有萊田矣是郊內郊外皆有萊田也因縣師有田萊之數一語遂專以萊屬郊外亦與經不合易本非郊內強以屬之郊內又申之曰善言近尤與經不合

逐人注云

見辨其野之土節

六逐之民奇受一廛上地猶有萊皆所

以饒遠也

析按六逐之民奇受廛上地多萊五十畝較之都鄙爲饒六逐近於都鄙先王之制皆近饒於遠猶之國稅皆輕近而重遠也

見載師注

反以爲饒遠與經不合

大司馬注云

見凡令賦節

令邦國之賦亦以地之美惡民之衆寡

爲制如六遂矣

析按上節方千里曰王畿歷數侯甸男采衛蠻夷鎮蕃九服故曰施邦國之政職也此節云凡令賦以地與民制之古者田賦出兵故謂兵爲賦大司馬六軍之制出於六鄉六鄉不足則徵之六遂則所謂凡令賦者指六鄉六遂言也上地食者參之二中地食者半下地食者參之一與遂人上地田百晦萊五十晦中地田百晦萊百晦下地田百晦萊二百晦合其民可用者家三人二

家五人家二人與小司徒七人之家可任者家三人六
人之家可任者二家五人五人之家可任者家二人合
則明明爲鄉遂之賦矣注遠援邦國以解之與經不合
又按周人都鄙用井田鄉遂用溝洫判然不同故其授
田三等鄉遂與都鄙亦異鄭因遂人云以達於畿遂謂
其中雖有都鄙遂人盡主其地故往往牽遂與都鄙而
一之又因大司徒是鄉官所掌都鄙之制或因鄉而推
故又牽都鄙與鄉而一之因大司馬施邦國之政職故
牽合鄉遂之賦爲令邦國而不知經文不可誣也學者

與其左右彌縫以求合注說不如以經證經其條理秩
然不紊云